

La Quotidiana 27-3-2015, p. 22

17.25 CONTRASTS SIN SRF 1

Forza chaval

La lavur para be in relict or d'in auter tschientaner. Ina lavur silenziosa e tuttina energica. Ils chavals paran dad esser vegnids direct or dad in auter mund. Cun ina forza immensa e tuttina cun gronda calma. Arnold Rauch, autor da films tar RTR, ha accompagnà en l'Engiadina Bassa ina da las davosas gruppas da lavurers da gaud che «runan laina» cun agid da lur chavals.



Ils chavals vegnan da la Frantscha u dal Tirol. Però lur patrins, ils viturins, èn engiadinais tras e tras. Ensemen prestan els ina lavur impurtanta ed indispensabla per ils gauds da l'Engiadina, ina lavur che vegn però concurrenzada adina pli savens da maschinas ed helicopters. Il film «Forza chaval» va en tschertga dal puls da questa lavur simbiotica tranter chaval ed uman. E quai che Arnold Rauch chatta amez ils gauds da l'Engiadina, è in ritmus da lavur e da vita che l'uman dad ozendi para da perder ed emblidar. Ma i dat anc speranza, grazia a la «Forza chaval».